

**Vanuatu Nasonal Envaeronmen  
Polisi mo Implimenteisen Plan  
2016 2030  
SAMARI**



# Tok Tangkio

Vanuatu Nasonal Envaeronmen Polisi mo Implimenteisen Plan 2016 – 2030 (NEPIP) bae i no save komplit sipos i no bin gat kontribiisen blong plante pipol. Ol kontribiisen blong ol ejensi insaed long gavman mo long ol non-gavman oganaesesen i bigwan tumas mo i kontribiut bigwan long developmen blong NEPIP.

Oli luksave mo glad long sapot mo gaedens blong ol staf long Dipatmen blong Envaeronmental Proteksen mo Konsevesen tru long proses blong developem NEPIP.

Wan spesel tok tangkio i go long teknikal asistens blong Envaeronmental Monitoring mo Gavenans Divisen long Sekretariat blong Pasifik Rijenol Envaeronmental Program, Unaeted Nesen Envaeronmen Program (UNEP), Pasifik Komiuniti mo GIZ.

Gavman blong Ripablik blong Vanuatu i wandem aknolejem tu faenansol sapot we i kam long sab-rijenol ofis blong Fud mo Agrikalja Oganaesesen blong Unaeted Nesen long Samoa mo UNEP/Multilateral Envaeronmen Agrimen blong fandem ol NEPIP developmen miting mo konsalteisen proses.



# Fes Toktok

Envaeronmen i stamba blong ekonomik mo sosol developmen. Mekem se envaeronmental sastenabiliti hemi wan kei pat blong ekonomik developmen mo planing mo i impoten blong impruvum human helt mo kwaliti blong laef.

Gavman blong Ripablik blong Vanuatu (Gavman) i gat visen long wan kaontri we evri man mo woman i komitim olgeta blong meksua se i gat konsevesen mo sastenebol manejmen long baeosekiuriti mo ekosistem blong yumi mo yusum mo manejem gud graon, wota mo ol naturol risos blong yumi.

Vanuatu Nasonal Envaeronmen Polisi mo Implimenteisen Plan 2016 – 2030 (NEPIP) i wan saen long komitmen blong Gavman long saed blong envaeronmental sastenabiliti mo hemi fulfillim ol rikwaemen blong wan nasonal polisi mo plan we i stap insaed long *Envaeronmental Proteksen mo Konsevesen Akt* [CAP 283]. Impoten wan nao, NEPIP i putum wan gud polisi platfom blong long-tem planing mo aksen blong rispon long ol praeoriti envaeronmental isiu we Gavman mo ol patna blong hem i stap adresem naoia. Taem we hemi stap wok long polisi ia, Gavman i bin fokas long sastenebol manejmen long ol envaeronmental aset blong hem mo proteksen blong ol pipol blong hem.

## Hon Ham Lini Vanuaroroa (MP)

*Minista blong Klaemet Jenis Adapteisen, Meteoroloji & Jeo-Hazad, Envaeronmen, Eneji mo Disasta Manejmen*





# Introdaksen

Vanuatu Nasonal Envaeronmen Polisi mo Implimenteisen Plan 2016 - 2030 (NEPIP) i pat long wan bigfala polisi fremwok mo hemi adresem olgeta gol mo objektif blong Nasonal Sastenebol Developmen Plan 2016-2030.

NEPIP i eim blong:

- Kodinetem ol aktiviti we i rilet long hem;
- Promotem mo lukaotem gud envaeronmen mo konsevesen blong ol naturol risos mo envaeronmen blong Vanuatu; mo
- Aotlaenem ol operesonol isiu we i nid blong implimentem hemia antap ia.

Blong mekem wok ia, NEPIP i fomem fremwok we tugeta i linkim eksisting polisi long saed blong Envaeronmen mo i provaedem wan stratejik rodmap

long ol long-tem envaeronmental aksen long Vanuatu. NEPIP bae i gaedem impruvmen blong eksisting gavenans, kodineisen mo sevis delivari mekanisim we i difaenem nasonal fokus mo ol praeoriti long ol fiuja envaeronmental aksen long Vanuatu.

NEPIP i sapotem mein wok blong Dipatmen blong Envaeronmental Proteksen mo Konsevesen (DEPC) anda long Maltilateral Envaeronmental Agrimen (MEA), legislesen, koporet planing instramen mo ol eksisting polisi mo program olsem Nasonal Baeodivesiti Strateji mo Aksen Plan 2014-2020 mo Nasonal Manejmen blong Toti mo Polusen Kontrol Strateji mo Implimenteisen Plan 2016-2020.

NEPIP i fokus long olgeta wok ia mo link blong hem wetem ol intenasonal mo rijenol strateji mo ol polisi mo wok blong ol nara sekta mo gavman ejensi olsem klaemet jenis, enejji, forestri, fiseri, jeoloji mo maens, turisim mo edukeisen.



# Ol Prinsipol blong Folem

## ▶ Lidaship mo Gud Gavenans

*Gavman bae i lidim ol efot blong protektem, manejem mo promotem sastenebol yus blong envaeronmen mo ol naturol risos long Vanuatu*

## ▶ Kolektif Risponsabiliti blong Envaeronmen

*Protektem, Manejem mo yusum gud envaeronmen mo ol guds mo sevis blong hem hemi risponsabiliti blong evriwan Wanwan long yumi mo yumi evriwan i gat risponsabiliti ia*

## ▶ Lokol save mo praktis

*Ol Ni-Vanuatu i gat ol valuabol lokol save mo praktis we i save kontribut gud long sastenebol yus mo efektif manejmen blong ol naturol risos mo envaeronmen long Vanuatu Olgeta tradisen mo praktis ia i ol impoten elemen long kalja mo heritej long Vanuatu hemi pat long nasonal aedentiti mo oli mas sefgadem mo protektem gud.*

## ▶ Integreisen blong Envaeronmen mo Developmen: Sastenebol, Inklusiv mo Fea Developmen

*Envaeronmen i sapotem developmen Yumi mas luksave jalens long wei blong lukluk mo balensem ol isiu blong envaeronmen we i stap kam antap mo ol developmen nid blong populeisen long wan fea, inklusiv mo sastenebol wei. Yumi mas luksave integriti blong envaeronmen olsem wan sistem mo from ol guds mo sevis blong hem.*



**Polisi Objektif 1: Konsevesen blong Baeolojikol,  
Ekosistem, Jenetik, Human mo Kaljurol Daevesiti**

**PO 1.1**

**PO 1.2**

**PO 1.3**

**PO 1.4**

**PO 1.5**

**PO 1.6**



## Polisi Objektif 2: Sastenebol Risos Manejmen

### PO 2.1

Promotem sastenebol risos manejmen mo mekem sua se i gat komplaens wetem mo implimenteisen blong ol nasonal polisi mo loa.

### PO 2.2

Strengthenem ol lokol otoriti mo ol munisipol planing otoriti blong mekem mo enfosem ol lan yus planing loa mo reguleisen.

### PO 2.3

Protektem ol bush, riva, katjmen mo risos blong wota inkludim komiuniti wota risos.

### PO 2.4

Blokem blong graon i folfoldaon mo daonstream envaeronmental damej from ol mineral risos ekstraksen.

### PO 2.5

Inkrisim agrikaljurol mo fiseri fud prodaksen long wei blong yusum ol sastenebol praktis.

### PO 2.6

Rediusim mo blokem degradeisen mo erosen blong ol eria kolosap long riva.





## Polisi Objektif 3: Manejem Toti mo Kontrolem Polusen

### PO 3.1

Rediusim toti mo polusen tru long gud manejmen blong toti mo kontrolem polusen.

### PO 3.2

Rivium mo implimentem Nasonal Manejmen Strateji long saed blong Toti mo Aksen Plan.

### PO 3.3

Establisim ol insentiv skim we i mekem se ol man we i mekem polusen i pem wan fi long wei blong enkarenjem prodaksen we i klin mo risaekling blong ol toti.

## Polisi Objektif 4: Klaemet Jenis

### PO 4.1

Sapotem implimenteisen blong Klaemet Jenis Disasta Risk Ridaksen Polisi.

## Polisi Objektif 5: Envaeronmental Gavenans mo Kapasiti Developmen

### PO 5.1

Inkrisim aweanes long saed blong baeodivaesiti konsevesen mo ol envaeronmental proteksen isiu long gavman mo long palik

### PO 5.2

Bildim kapasiti mo sapotem ol lokol komiuniti blong manejem ol naturol risos.

### PO 5.3

Impruvum envaeronmental monitering, evaluesen mo risej wetem ol stret, open mo transparan data we oli serem bitwin ol releven ejensi.

### PO 5.4

Strengthenem ol envaeronmental institusen mo gavenans blong mitim ol nasional mo intenasional obligaisen.

### PO 5.5

Developem Stet blong Envaeronmen Ripot.

### PO 5.6

Mekem sua se ol nasional envaeronmental loa i taf, komprihensiv mo oli rivaesem blong lukluk stret long sastenebol developmen



## Polisi Objektif 6: Sastenebol Grot mo Dipelopmen

### PO 6.1

Promotem ol riniubol sos blong eneji mo promotem efisiensi eneji yus.

### PO 6.2

Mekem sua se ol niu infrastrakja mo dipelopmen aktiviti i kosem smol distubens long naturol graon mo marin envaeronmen.

### PO 6.3

Inkrisim akses long save, ekspetis mo teknoloji blong mekem ol dipelopmen strateji.

## Polisi Objektif 7: Faenansing mo ol Ekonomik Instramen

### PO 7.1

Mekem sua se i gat ol gud faenansol risos blong sapotem ol sastenebol dipelopmen aspiresen.

### PO 7.2

Promotem patisipesen blong ol individuol, ol Sivil Sosaeti Oganaesesen mo praevet sekta long saed blong envaeronmentol proteksen tru long ol fiskol insentiv mo voluntari agrimen.





Sapos yu wandem ful kopi blong polisi ia, plis kontaktem  
Dipatmen blong Envaerontental Proteksen mo Konsevesen  
long  
25302, 33430 or 533 3830